

欽定大清會典事例

欽定大清會典事例卷二百五十六

戶部

俸餉 各省兵餉二

乾隆元年

諭江南河工。額設河兵九千一百四十五名。改為戰二守八。設戰糧一千八百二十九名。守糧七千三百十有六名。俾勤勞較多之椿手。均得領食戰糧。所改戰糧。每名月增銀五錢。照例於在外解河庫銀內一併支銷。○又

諭山東河南二省河兵。照江南之例。改為戰二守八。使

用力較多之椿手。得食戰糧。○又議准。直隸省滄州駐防兵三百十有一名。原養馬三十四匹。因操演不敷。增馬一百十有六匹。其乾銀如數支給。○又題准。福建省福州。延平。建甯等府屬各營兵。需米九千六百五十八石有奇。均改給折色。於元年夏季為始。福州府屬每石折銀九錢。延平。建甯。邵武各營。每石折銀八錢。赴糧驛道領回散給。再福州府旗標協營。向因本色不敷。每年折銀發給。今各營兵米既改折色。其餘米作為旗標協營兵糧之用。除在省倉米。按時給發。

外。其沙縣等縣米。令運赴省倉。以備散給運米脚價。於存公銀內動支。○二年題准。京口水師營戰船。出洋巡哨。並無陸地兵可以抽撥。所有舵工。即於建贖銀米內撥給行糧。造入兵馬奏銷冊內彙報。○又題准。湖南省永順地方額兵八百名。兵米均係一兩折色。仍不敷買食。今先動公項銀二千兩。赴產米地方購買。豫備一年之需。運至永順散給。自乾隆三年為始。全以本色散給。將該年米折銀扣存司庫。遞年買米支發。俟耕種日廣。題給折色。其原借公項銀將餘

贍米折銀酌定年限陸續歸還。○又題准廣東省碣石鎮標兵餉向於興甯揭陽折價銀內每石七錢折給不敷買食今在海豐陸豐二縣額徵地糧銀內照科則除銀一兩六錢有奇折徵本色米一石就近支給歸入各該縣起運項下造報其原撥惠州府穀價買儲穀萬石毋庸碾米支發兵餉。○又議准江南省江甯八旗駐防兵每年分作四季銀米兼支。○三年

諭河防兵內有椿手一項下埽籤椿較之衆兵更為效力。前已降旨將山東河南二省河兵照江南之例改

為戰二守八。俾樁手均食戰糧。以償勤勞。今思直隸河工。雖不得與二省比並。然樁手較衆。兵效力為多。亦當加恩鼓勵。著將直隸河兵改為戰一守九。俾用力較多之樁手。得食戰糧。以厚其養贍。○又題准江

甯水師戰船隨糧。於建贍銀米內動給。○又議准江南省水師營操演戰船二十隻。舵工二十名。每名各給守糧一分。歲支餉銀十有二兩。米一石五斗。於建贍銀米內動給。○又題准直隸省天津水師營都統。裁今有統轄訓練之責。照八旗滿洲都統例。給親隨兵八名。每名月支銀三

兩。米折銀一兩。○又題准。廣東省左翼右翼二鎮。廣州羅定二協。增城三水崖州三營。增設月餉。共米六千五百三十四石。於駐防同城及附近順德等十三州縣田賦銀內。各照原編科則。每石除銀自九錢四分七釐至一兩四錢一分有奇。共除銀七千三百六十六兩一錢九分有奇。改米徵收。就近支給新兵。並外委官弁月餉。其原領折米價銀。扣存司庫充餉。○又議准。各省冬撥估餉各冊。定於十月內到部。逾限者叅處。○又覆准。各省武職親丁名糧。除出師官弁

全支外。其委署此任者。如係候補試用之人。原無隨糧。即照酌減之例。署副將酌減十分給二十分。署參將減八分給十二分。署遊擊減五分給十分。署守備減二分給六分。各按所署之任酌給。○又題准。各省武弁保題引

見之人。不免往來車馬之費。仍支本任內一半親丁糧。其一半扣存造報。如委署係候補試用人員。即將扣存之銀按例支給。如現任兼理。並遞行委署出師引

見員缺者。各有本任。自應仍支本任應得之數。毋庸

重給。惟升遷事故員缺。額設親丁糧。並無原官支食者。其署任支給之例。亦應酌量變通。如係候補試用人員。則應全支。如現任遞行委署之人。亦照所署之職全支。其末後一官。如係現任兼理之人。則於本任內全支。署任內支給一半。其一半仍扣存造報。以備公用。若係候補試用人員。仍照例全支。○又奏准。參將以下。遇有親喪給假。如現任兼署為時無幾。且該員原有本任親丁隨糧。仍支本任。如委署候補人員。照酌減之例支給。將所遺親丁隨糧。扣存造報。再委

署引

見並給假葬親員缺。為時無幾。停其遞行委署。○四年覆准。陝西省涼莊一帶駐防兵歲需口糧。除五分小麥仍給本色外。其餘五分。以本地附近所產米。給予一半本色。其餘一半。照秋後十月間粟米時價折給。馬匹應支料草。亦給一半本色。其餘一半。亦照秋後各色時價折給。○又題准。浙江省乍浦分駐旗營。加給兵米一萬五千七百六十石有奇。照省倉折色採買之例。每石折銀一兩四錢。自五年為始。於本年秋成時動

支田賦銀。給發乍浦同知採買存儲支給。仍將
用過價腳銀數造冊報銷。○五年題准湖廣省
綏甯營兵餉本色不敷。自五年為始。每石折銀
加至一兩。所加四錢米價。在支贍解部米折銀
內動支。俟地熟價平之日。照六錢例支給。○又
覆准山海關改設副都統。每月支親隨兵二十
分。歲支心紅紙張銀十兩。○又議准福建省澎
湖一協。歲需餉銀兩季委官赴省關領。遠隔重
洋。兵食不能接濟。於藩庫豫撥一半餉銀。運往
澎湖通判庫內。儻逾餉期。該副將一面備文。借

領散給一面詳報查覈。俟餉銀領到。歸款備用。
○又題准。直隸省黃崖關增設馬守兵。月支米
每石折給銀一兩。馬乾夏秋二季。每匹月支銀
九錢。春冬二季。月支銀一兩二錢。均於田賦銀
內動支。造入豫估冊內。報部酌撥。○七年

諭。甘肅地方。遠在邊陲。土瘠民貧。非內地可比。向來散
給兵丁口糧。皆係四本八折。而倉貯不敷之處。又於
四本之中。多給折色。是兵丁之得本色愈少矣。每當
米價昂貴之時。所領折色。不敷糴米之用。度日未免
艱難。著將舊例。每糧一石折銀一兩者。增銀二錢。定

為一兩二錢之數。料豆亦照此加增。自乾隆七年秋季為始。永著為例。俾邊遠寒苦兵丁。俯仰寬裕。他省亦不得援例以請。○又題准。湖廣省荊州駐防兵。歲需米十萬石。僅儲襄漕五萬餘石。其餘武昌等屬。應支兵餉無多。存儲易致紅朽。應將鄖陽等五倉原儲襄漕米內。鄖陽撥出米二千石。東湖襄陽各撥出米三千石。穀城均州各撥出米五百石。共米九千石。改歸荆倉。支發駐防兵米。○又題准。山東省青州駐防兵。歲需粟米。半給本色。半給折色。如遇閏之年。所需閏月本色米。即

在青州府倉穀內碾米支給。計米一石扣銀一兩。存於府庫。秋後買穀還倉。東省穀價日昂。每穀一石需銀六七錢有餘。官民賠累。東省向有改徵黑豆十一萬石。以為在京八旗官兵及理藩院等衙門牧養駝馬之需。亦係隨漕起運。豆價實賤於米價。況青州地方。原係出產豆麥之鄉。該地買豆則易。買米則難。應將附近青州各州縣內改徵黑豆項下。量撥一萬七千餘石。仍照舊例徵收粟米。運交青州以作兵糈。即以青州穀價。在本境採買黑豆。以補解京之數。仍依

限隨漕起運。○又題准。湖南省提標鎮軍等十四標營歲需兵餉。現支六錢折價。米貴兵艱。應以該省停運貴州米二萬石。分撥支給。可供四月有餘。不敷之米。於各兵應領米折銀內。豫領一季。令營弁於秋後買米存儲。俟來年本色米完。將所買一季之米。分作二季銀米各半搭放。湖北省督撫等標鎮營兵餉。每米折銀七錢。較湖南雖裕。而時價仍有不敷。應將全支折色各營。每年豫給二季。令營弁於秋成之後購買。俟次年米貴之時。按月支發。○又覆准。湖南省永

順地方。改土歸流。增設營兵。支給本色。多有未便。仍似折色支給。至折色之後。偶遇價昂。亦應豫籌。將永順縣節年所徵穀內。分撥三四千石。存於新建各倉。以備接濟。○又議准。甘肅省土瘠地磽。產糧有限。兵丁買食艱難。應於每年九月。協餉一半銀內。於四月以前。先解銀五十萬兩。於各營開支秋餉之時。即將冬春糧折銀一併豫領。責令營弁及時買備。按時給發。○又題准。甘肅省安西提標各營兵餉。赴蘭州請領。往返兩月有餘。令兩季兼領。交與西安道廳衛存

庫。季首文武會同散給。再豫領冬夏二季餉銀。時如鄰省協餉不敷。先於司庫不拘何項銀內。借支給領。俟協餉到日。照數還項。○八年

諭。兵餉有搭放制錢之例。江南於乾隆六年設局鼓鑄。僅設鑪十二座。鑄出之錢。不敷搭放兵餉。又覈計成本。每銀一兩。鑄出錢八百九十六文。是以題明每銀一兩。止折制錢八百八十文。餘錢十有六文。充作錢局公費及運送餉錢之水腳等項。經部議覆搭放兵餉。暫照八八折發。俟將來銅價漸減。錢價漸平。再酌增錢數。或照舊制每錢千文作銀一兩搭放等語。朕

思兵丁所得月餉僅足以敷食用。若搭放制錢。又行除扣。則所得減少。著自乾隆九年為始。仍照定例。每銀一兩。給錢千文。其錢局公費。運錢水腳。准動公項。稍有不敷成本。照例准其銷算。至現在鼓鑄各省。如有折扣搭放者。亦一例加恩。照江南之例給發。○又題准。武職官親丁隨糧。改為養廉名糧。嗣後各省大小武職。遇有降革留任者。照文職降革留任之例。一例支食養廉名糧。以資辦公之用。○又題准。雲南省東川。昭通。鎮雄等府州。均係新開夷疆。人民交易。在在需錢。照東鎮之東川。鎮

雄尋常二營。每年官兵俸餉馬乾等銀十有四萬九百餘兩。應以銀七錢三。每錢千二百文。作銀一兩搭放。其錢即於東川局內動支。仍扣餉歸還鑄本。均造入鼓鑄及兵馬奏銷案內。具題報銷。○又題准。雲南省普洱府屬甯洱縣。夷民完納秋糧。應改折色。每石折銀一兩。令該縣照數徵收。採買本色。以供兵餉。○九年

諭上年朕降諭旨。各省搭放兵餉。自九年為始。每千錢作銀一兩。使兵丁各需利益。今聞江西南贛鎮標之十一營。舊例自春夏以至秋仲。計八月兵餉。皆就近

於贛關稅銀內支給。秋末至冬季四月兵餉。因稅銀不敷。仍赴司庫支領。其在司庫支領之四月。則一例搭放一成鑄錢。其在關稅內支領之八月。則無錢搭放。兵丁等不能需格外之恩。且關稅所支八月共銀四萬六千四百七十餘兩。計一成搭放共需錢四千六百四十餘緡。該省存庫制錢。儘足搭放。所需水腳亦屬無幾。著自十年為始。南贛鎮屬兵餉。每年四季亦一例搭放一成制錢。○又題准福建省建甯鎮額兵內。新增守兵四百名。又撤回分防壽甯縣汛兵一百有二名。各兵月糧。遞年支給折色。其餘

舊兵均支本色。在米價平減之時。尚可支持。近
價增長。實屬不敷。應將該鎮現在所支本折米
數。不分新舊。均勻支給。以免偏枯。○又奏准。江
西省兵不敷支給閏月米。即於裁兵米折銀內
酌動採買。以濟兵糈。○又題准。甘肅省甯夏採
辦駐防兵餉。如遇豐年。贏餘價銀。歸入節省項
下收存司庫。儻遇歉歲不敷。即將節省銀酌量
增補。○又題准。陝西省旗標兵本色米。向例將
上年額徵之米估計。供應次年兵食。今將備儲
之穀。易米儲倉。已買穀四萬九千七百餘石。碾

米支發兵餉。未買之穀。俟年豐價平。即買米存倉。遞年支發。統於額徵屯米內。照數撥補還項。儻遇歲歉價昂。屯丁完納不前。即以存倉之糧給兵。再有多餘。減價糶給。俟價賤買補。再省城駐防及綠營官兵。歲需米八萬石。今儲穀僅十萬石。不敷一年之用。應再增買米三萬石。以足一年兵糈。所需價銀。在田賦銀內動支。○又覆准。江西省兵米。向例按月支給。原未編有閏月兵米。計算應需米四千餘石。約扣建贍米七八百石。三年共應扣存米二千餘石。尚不敷米二

千餘石。即於餘贍米折銀內。豫行動支。酌照時價採買。以濟兵糈。○又題准。四川省夔協。增設巡哨十船。歲需舵夫水手餉銀米折。共銀四百五十餘兩。在夔關稅銀內就近給發。年終別行造冊報部查覈。○又奏准。甘肅省新改河鎮所轄紅城苦水二堡。坐落河西汎防。與內地不同。將二堡兵歲支折價糧料二百一石六斗。每石折給銀一兩之外。加銀二錢。○十二年題准。福建省倉穀碾米給兵。秋成徵收折色。買穀儲倉。殊多周折。嗣後按各屬徵收米色之數。統於倉

內全行碾米發給兵餉。秋成以一米改徵二穀。歸還倉項。至汀州府屬解省米。題定每石以九錢徵收。即以九錢解省給兵。毋庸別議。再延建等府運省米。亦一例徵穀。以昭畫一。○十五年題准京口駐防兵米。於雍正二年。每石折給銀一兩二錢。今不敷買食。仍照康熙二十五年所議。於丹徒縣漕糧內截留充餉。如不足。則於附近之丹陽金壇二縣漕糧內各半截撥。遇閏應增之米。亦於丹徒丹陽二縣內各半截留支給。

○十六年

諭乍浦水師滿兵。自雍正七年設立。於杭州江甯二處。餘丁內選取移駐。原定每名月支餉銀二兩。米一石。伊等水陸操防。差務繁多。而移駐將及二十年。家口漸增。所領銀米。不敷食用。自應加恩。照杭州駐防之例。給予米二石五斗。其應支本色折色。令該將軍督撫副都統酌量辦理。欽此遵

旨議定。除原支米仍按月開支本色外。其每名加增米一石五斗。嗣後按月支給折色。於田賦存留款內動用。○十七年

諭陝省今年被旱偏災。米豆草價值昂貴。駐防兵所領

折支銀未免不敷購買。著將十八年春季分西安駐防應領折支米豆。照原定每石一兩之數。加給五錢。草價加倍賞給。俾兵丁不致增價採辦。○又奏准京口駐防歲需兵米六萬六千四百有二石。自本年為始。於丹徒丹陽金壇三縣漕糧內。豫年分撥截留。遇閏應增之米。亦令豫先截留備支。○又覆准各省支放兵糈及豫借口糧。均令營員會同地方官驗看米色。秉公放給。如有攙和微爛。或豫為借給。希圖掩飾。營員瞻徇容隱者。該提鎮咨報督撫。據實叅奏。若地方官支借好米。

而營兵故為勒索。不肯領受者。督撫提鎮隨時嚴懲。以申法紀。○又覆准。廣西省太平思恩兩府所屬之新太隆憑崖義三里上思鬱林思恩鎮安上林隆林右江等十一營兵米。自雍正五年改為折色。每石支給銀八錢。今米價日昂。不敷買食。改為半本半折支給。其半支折色。於司庫隨餉散給。半支本色。每年春夏。各於所駐之州縣倉穀內。按月支給。仍令桂林府屬將額徵兵米。於次年春間照時價糶賣。解司給發各州縣買穀還倉。○二十一年題准。直省開放兵餉。

除附近省會各營及專防營分。離省雖遠。而汛地毗連者。均按月開放外。至分防寫遠。或阻山險。或濱江湖。或近苗疆邊界者。按兩月及一季開放。總不得虛懸汛地。致疏防守。○二十三年奏准。廣東省局鑄錢文。搭放各標營兵餉外。其餘錢文。將順德等營。每銀百兩搭錢五千文。○二十四年奏准。直隸省督標五營。建立營倉。每歲秋收後。派委營員。按照時價。採買米穀存倉。於次年三月內。均勻借給。每穀一石。定價八錢。米一石。定價一兩六錢。於各兵應領月餉內。按

六箇月扣還。至九月扣足。秋收時如前採買存儲。以待次春出借。○二十五年奏准。湖廣省辰州協兵丁。歲支本色米石。僅敷半年口糧。其餘折色。每斗給銀六分。未免拮据。嗣後於朋扣銀內。借交該管營員。於每年秋成。前往產米之區。買米運回。俟次年本色米支完後。按月搭放。照原價於各兵餉銀內扣還。仍將此銀永遠存留。按年買運。○二十七年奏准。隨從官兵。應交沿途倒失馬駝價銀。按限交旗。逾限不交。官員議處。兵丁責懲。在本人應得俸餉內扣還。以收馬

王大臣具奏奉

旨之日為始限兩月完交。○二十九年

諭移駐張家口旗兵所遺餘糧撥還大同綠營此項米
豆從前原係綠營支食因右衛安設駐防是以改支
折色今既經移駐餘糧自應仍行撥還將餘存米豆
一萬六千七百餘石自明歲為始無論有閏無閏按
照各營兵丁原食之數均勻分撥就近支食。○三十
年奏准雲南省督撫兩標暨城守武定奇兵等
營兵餉以銀五錢五搭放。○又議准福建省各
營兵丁借給銀米各就地方情形米多處給米

米少處照時價折銀借給。即照領冬餉時米價如數扣還。○又議准。

東陵官役暨馬蘭鎮兵丁歲需俸餉粟米每石折銀一兩四錢。將豫東二省應徵米折銀兩徵解直隸司庫按季支發。其白米秬米糯米三項仍給本色交倉場撥給。○三十一年議准各省武職副將以下引。

見向例除本身支食一半隨糧之外其餘扣存為營中公用。所有提督總兵如遇進京。

陛見其本任隨糧照副將以下營員之例支食。○又

議准。派出駐藏業經開缺之大臣隨甲。照蒙古漢軍都統副都統例給予。○又奏准。山西省每歲局鑄錢文。向例搭放三成兵餉外。仍於餘錢內提出二萬串。將省城滿漢兵丁夏冬二季。及三九兩月。凡係實在差操。與額設駐防各兵應領月餉。概照民間出易之價。由司支給。○三十八年議准。揀發開展等處試用等官隨糧。副將二十分。參將十二分。遊擊十分。都司八分。守備六分。於司庫截贖項下支食報銷。照西安提標科則。於行抵肅州之日起支。○四十年

諭烏魯木齊提標攜眷屯兵。所有鹽菜銀兩。既已裁汰。其原支四箇月本折糧石。悉照安西舊例。每石二兩二錢。全數折銀。自行買食。○又奏准各省駐防官兵口糧。遇閏不加支者。不扣除。小建遇閏加支者。小建按日扣除。○又議准江蘇省各標餉錢。概以一成搭放。○又議准各省駐防兵米折價。直隸每石折銀一兩。至一兩四五錢。江南每石一兩三錢。河南浙江每石一兩二錢。山西每石一兩五錢。山東陝甘每石一兩。湖北廣東每石七錢。○又議准武職標營。有公費名糧。每兵百名。

抽出二名。以作營中公用。○又覆准。各省官兵馬匹草豆乾銀。均係按月支領。概令扣除小建。○四十二年奏准。雲南省騰越鎮添駐兵丁。不敷兵米。定價每石一兩三錢。按數採買。○又奏准。山東省兗州鎮所轄之十四營汛。登州鎮所轄之十一營汛。及撫標二營。凡護解餉鞘人犯銅鉛木植及緝盜等差。無論馬守兵丁。除應得本餉外。每名日給銀三分。若本日可以交替回營者。不准支給。河南省河北。南陽。鎮屬各營差費。馬兵日給銀六分。守兵日給銀四分。江南省

督撫提鎮各標營。每兵日給銀三分。其漕標並安徽撫標及水師各營。設有差使。一體支給。江西省撫提鎮標及水師營。每兵日給銀三分。湖北湖南兩省各鎮協營。每兵日給銀三分。陝西省提標所屬。每兵每百里。給盤費銀四分。興漢鎮屬。陝今改為安鎮每兵每百里。去給盤費銀五分。回給盤費銀三分。延綏鎮屬。每兵無論往回。每百里給銀四分。甘肅省安西沙州靖逆等營。派赴木壘牧馬兵丁。除每名日給鞋腳銀一分之外。增給鹽菜銀二分。○四十三年議准。熱河兵餉。

改歸道庫支放。○四十四年奏准。

盛京戶部每年請領東三省俸餉。於八月內派員赴京請領。九月十五日以前到京。十二月初十日以前運到。儻有遲逾者。叅處。

盛京銀庫。於十二月內給發吉林黑龍江二省俸餉。至打牲烏喇地方俸餉銀四萬餘兩。一併歸於吉林省俸餉銀內領回儲庫。分季發給。○又奏准。新設密雲駐防官員兵丁米石。每石折給銀一兩四錢。○四十五年題准。桃關口外安塘馬匹。每匹日支草乾銀八分。○又奏准。湖北省

施南等五協營兵米。向支折色。每屆三四五六等月。糧價昂貴。買食稍艱。於水次州縣額徵漕南二糧餘賸耗米內。撥米三千七百餘石。變價解司。交該五協營坐落之恩施等州縣買穀分儲。於米貴時碾米借給。每兵一名。按月借給米三斗。即於各兵應得七八九十等四箇月米折兵餉內。照依時價扣還。仍交各該州縣買穀還倉。○四十六年奏准。四川省成都滿兵拴養馬匹。遇有倒斃。於壓跑日期。並採買空日。節省料草及倒馬皮臟變價銀內動用。官為買補。○又

定。各省綠營提督以下公費名糧。概行刪除。查明實在應需確數。改給養廉。動支正項。按年估撥。毋得有逾定額。如有餘賸。於下年請領銀內扣除。○四十七年奏准。山東江南等省水師營舵工。向係額支貼糧。今照公費之例。刪除貼糧名色。按照向得銀米數目。給予工食。○四十八年覆准。各省差兵盤費。江蘇於地丁銀內動撥。蘇州等屬。於高資等營原裁充餉兵米變價銀內支給。安徽於地丁銀內動撥。山東於餘賸朋扣銀內動支。江西於地丁銀內動撥。○又覆准。

江蘇省撫標及蘇州城守營。歲需差兵盤費。及黏補軍裝等項。在江陰縣入官灘地徵收租息錢內。均勻支給。○四十九年覆准。浙江省乍浦營。歲需兵米。於嘉興府屬七縣額徵南米內。按月派撥支放。其寡婦歲需米石。仍於平湖縣官兵繳還截贖米內抵給。如有愆期遲解之縣。特揭詳叅。○又議准。廣東省馬步兵遞拔額外委條補空缺者。應得糧餉。於頂補缺內支食。○五十年奏准。廣東省各營挑備征兵。每名豫備米一十五斤。在就近各州縣常平倉穀內碾米。

解營。廣西省挑備征兵。及挑選管解軍裝等項兵丁。每名豫備炒米一十五斤。在各州縣倉兵米內動支。均於應得兵糧內逐月換給。出陳易新。○又奏准。浙江省杭州駐防官兵。如遇進京買馬等遠差。於馬廠地租內。每人給與盤費錢三十串。一切近差。亦由此項錢文酌量給予。至原定借項。毋庸借給。○又奏准。貴州省撫標左右兩營積儲銀兩。向係每年秋成後。將銀交與貴筑縣採買米石。移營儲倉。以備借給。嗣後按名借與銀兩。聽各兵自行隨時買食。仍分別扣

還歸款。毋庸交縣採辦米石。○五十一年議准。各營字識。止准支食守糧。如果習練槍箭。技藝兼優。亦准與兵丁一體較藝。遞拔。○又議准。四川省成都駐防。拴養馬一千六百匹。裁汰八百匹。節省草豆銀兩。添設鳥槍兵二百四十名。每名月給餉銀二兩。口糧折銀二兩。將糧折銀兩。交與地方官買米折給。○又奏准。山東省青州駐防馬甲一千五百名。每名按月增口糧三口。共八口。銀米折半支給。德州駐防兵丁五百名。外。增挑步甲五十名。照青州步甲之例。每名月

支餉銀一兩。米一斗五升。米折銀一錢五分。○
又奏准。河南省駐防滿營。添設步兵一百名。每
名月支餉銀一兩五錢。○又奏准。陝甘各營。每
兵一名。豫備炒麪十五斤。在附近州縣倉儲。麥
石內支給。即以抵應得月糧。○五十二年議准。
湖南省永綏鎮歲需兵米。除動支永綏廳屬秋
糧。及該廳常平倉穀就近碾放外。不敷兵米。在
黔陽溆浦二縣額存常平倉穀內。碾運供支。○
又奏准。江甯協標左右。浦口。溧陽四營。並省城
守門兵丁。暨火藥局匠役等營兵米。向係四月

本色。八月折色。其五六兩月青黃不接之時。將原支折色米石。改折本色。與狼漕河各標營一體支給。半年本色。以歸畫一。○五十三年議准伊犁將軍家口三十口。馬四十匹。副都統家口二十口。馬三十匹。三品家口十五口。馬二十匹。四品以下官。各按銜遞減。每口每日支米八合三勺。本官及妻支秬米。餘支粟米。馬每匹每日支七斤重空草一束。家口多者照定例給予。少者照實在之數支給。○又議准福建省臺灣總兵。每年冬間。巡閱南北兩路營伍。隨帶兵丁。照

內地出差官兵之例。一體均給盤費銀兩。造入本省公費冊內報銷。○又

諭熱河駐防官兵俸餉銀兩。仍著照舊例。由熱河副都統每年委員赴部領解。即收貯該副都統衙門。屆期陸續支放。毋庸由熱河道派所屬州縣赴部領解。○

又

諭熱河滿洲官兵。駐防日久。生齒日繁。嗣後支給每季半分米折銀兩。每石折銀一兩四錢。○又奏准四川省土外委四十名。除每名額給餉銀六兩外。每年各加給養贍銀二兩。額設屯練兵一千五百

名。每名每月。各給予餉銀五錢。俟有缺出。在額
外屯練兵丁內拔補。額設新屯練兵五百名。每
名每月。各給予餉銀五錢。如有缺出。在番丁內
拔補。○五十四年奏准。熱河添設前鋒校十名。
於原食四兩餉銀外。每名每月添給銀一兩。每
名每季添給餉米一石五斗五升。○又議准。福
建省臺灣添設弁兵一千二百一十六名。應得
恩賞銀兩。在每年給銀四萬兩內。照原額新添兵數
按名均派。每名每月分給銀二錢四分零。又照
臺灣戍兵例。每名每月給眷米一斗。遇閏加增。

應支本色米石。於就近各廳縣倉穀內動支。○
五十五年議准。伊犁柔遠城滿營。添設步甲四
百名。專習鳥槍。所需餉銀。於稅務房租銀內動
支。又挑取學習馬上三槍者數百名。其有技藝
精熟者。每月獎賞盤費銀兩。於公鋪息銀內支
給。○又題准。甘肅省各提鎮協營掌稿書識。每
名月給工食銀一兩二錢。○又議准。福建省臺
灣澎湖各營戍守兵丁。於應得錢糧外。每名每
月加給餉銀四錢。在叛產租息變價及鹽課贏
餘等項下撥補。如有曠缺。按日截除。留充公用。

○五十六年議准。綏遠城派往烏里雅蘇台換防兵丁。內有挑補額外筆帖式者。其防所照筆帖式分例支給。其家內仍照領催前鋒披甲支給錢糧。毋庸支給俸祿。○又

諭福建應需兵餉等項。向由鄰近省分協撥濟用。殊多周折。所有閩海關贏餘稅銀。嗣後不必解部。即著留於福建藩庫。以備支放兵餉之用。至各省內如有似此不敷支放兵餉者。其有關稅省分。亦著照此辦理。

○又議准。臺灣兵餉。令鎮官於每年十一月內。覈明次年應抵應領銀數。委員赴司。勒限十二

月內到省。二月初旬運至廈門。三月到臺。如有延緩。查明叅處。○又覆准。烏魯木齊瑪納斯地方。新設博羅通古溝塔西河口二處。稽查綠玉河卡倫兵丁共一十二名。每名日支鹽菜銀三分。口糧白麪一斤。○五十七年覆准。甘肅省涼州鎮屬莊浪武勝三營堡兵丁馬匹。夏秋二季。照無廠地營分。每匹月支馬乾銀九錢。○又奏准。直隸省古北口駐防兵二百名。春冬二季支領折色。原定每石折銀一兩。嗣後照密雲之例。折銀一兩四錢。○五十八年覆准。頭等侍衛署

駐藏大臣事務如

賞給巴圖魯名號者。照巴圖魯之例。給予官役口糧十七分。○又議准。伊犁綠營兵丁。歲支四箇月本色。俱改折色。每石折銀二兩二錢。○又議准。浙江省水師兵丁外委出洋。每名每日另給口糧銀五分。作為出洋盤費。○六十年覆准。甘肅省滿漢各營估撥兵糧。如應估上色粟米小麥。下色青稞大豆等項糧色。儘同城倉儲一色缺乏。即以上色抵撥上色。下色抵撥下色。如同城實在無項抵撥。方准在別屬撥運。至馬料一項。

仿照兵糧之例。一律互抵。仍將各倉儲先期造冊報部。○又議准。直隸省良鄉霸州昌平東安順義玉田大興縣之采育遷安縣之冷口等八處駐防。歲需兵米。在河南山東二省運供。薊糧米內撥給。所需運腳。每石不得過二錢五分之數。○又覆准。賞給熱河駐防並圍場官兵公費銀五萬兩。交商每月一分起息。令熱河副都統領存四千五百兩。遇閏加存銀五百兩。圍場總管領存銀一千五百兩。以備支放。

欽定大清會典事例卷二百五十七

戶部

俸餉 各省兵餉三

嘉慶元年議准。兵丁月餉。令文職監同標營散給。至分防各州縣鄉僻汛兵。亦令各汛弁會同各州縣或佐雜教職等官監放。出結具報。如有剋扣嚴行叅處。○二年議准。福建省臺灣澎湖等處戍守班兵。分作四起派往。於兩年內換竣。第一起限正月初一日出營。糧餉以四月初一日住支。第二起限七月初一日出營。糧餉以十

月初一日住支。第三第四起限次年正月七月初一日出營。糧餉以四月初一日住支。將起住糧餉日期。造報戶部。○又議准。阿克蘇每年支放兵餉不敷錢文。在於鼓鑄局錢內撥支。○三年覆准。貴州省銅仁協新設兵丁一千六百名。每名撥給積儲銀一兩。在司庫留半銀內動支。於青黃不接之時。給兵自行買米接濟。扣餉歸款。○又覆准。直隸省三河縣駐防官兵。歲需俸餉米石。向赴通倉關領。因相距路遠。輓運不便。改支折色。每石折銀一兩四錢。於直隸司

庫動支。○又覆准。直隸省駐防保定兵丁。歲需米石。令保定府理事同知。帶同倉大使赴天津領運。一切支放事宜。均令該同知督同倉大使經理。○又覆准。固安寶坻二縣駐防兵丁。每歲需用米石。向係領價採買。今照良鄉等處駐防兵米之例。在於餘賸薊糧項下動撥支放。以歸畫一。○又議准。貴州省銅仁協添設外委馬步守兵。歲支餉銀馬乾及公費銀兩。按照有閏無閏年分。分別給予。○四年議准。四川省綏甯協添設外委五員。額外外委四員。馬戰守兵八百

六十九名。歲需餉銀及馬乾銀兩。按照有閏無閏年分。分別估撥。○又議准。綏遠城駐防官兵。餽養官馬豆石。改支折色。令官兵自行採買蕎麥。餽養。每石給銀一兩七錢。○又覆准。湖南省新設綏靖鎮中。右二營兵丁。動支司庫公項銀二千兩。交永綏同知。赴附近產米州縣。買米交鎮。酌量兵丁家口多寡。分別覈給。其腳價銀兩。在該兵季餉內照數扣還。○又覆准。貴州省銅仁府松桃廳。銅仁縣安化縣。設立土塘五十六處。添設苗兵三百十名。每名月給工食銀五錢。

○又覆准貴州省興義縣由縣至府十三鋪。每鋪設立鋪兵一名。每名歲支銀三兩六錢。折色米三石六斗。○又題准浙江省杭州滿營一切近差。如赴王家營等處採買料豆。每名給盤費錢九千文。馬廠牧馬。每名月給盤費錢二千四百文。演放礮位。每名月給盤費錢二千一百文。在馬廠地租餘贖充公銀內動給。原定借給公濟銀兩。永行停止。○五年奉

旨。喜峯口羅文峪二處駐防兵米。向係每石折銀一兩。兵丁等駐防年久。生齒日繁。原定米折銀數。恐不足。

以資養贍。且熱河密雲古北口等處駐防兵米。皆係每石折銀一兩四錢。該二處駐防兵米。嗣後每石以一兩四錢。一律折給。○又議准。江西省南昌鎮前後水師三營。移紮九江。其九江協移紮南昌。改為城守協。每年需添兵米。及添設銅鼓營甯州二處兵米。均於樂平安義二縣南米解倉支放。遇閏之年。於裁兵折銀內買補放給。○六年覆准。杭州駐防。每年停演紅衣礮位。仍將子母礮照常演放。應給盤費。按名數裁減。又採買料豆。在二千石以上者。領八名兵丁盤費。在三千石以

上者。領十名兵丁盤費。○又覆准。浙江省乍浦滿營官兵一切近差。量其遠近。給予路費。亦在牧廠地租餘贍充公項下動給。赴蘇州杭州。每名給錢二千四百文。清江。給錢三千六百文。鎮江。給錢三千文。赴省支領佃租錢文官兵。每次共給錢二十千文。應借公濟銀兩。概行停止。○又議准。派往烏里雅蘇台。並科布多。二處換防屯田官兵。乘騎馬匹。各按本身例馬。每匹日支空草一束。每束給銀一分。按起程後。在於原估馬乾銀內。扣還歸款。○又議准。山海關駐防兵

丁歲需米石。酌給一半折色。每石折銀一兩四錢。在該關稅務項下支給。其餘一半本色。除動支屯米。及山海關通判採買米石外。不敷米石。令永平府屬採買供支。○又議准。放給兵丁餉銀。豫令刊刻流單。將兵丁等花名銀數。並有無扣項。已未清完。逐一填註單內。監放官兵。當堂兌足。唱名給發。○又議准。福建省水師各營。額設戰船二百六十六隻。內緝匪巡船一百六十四隻。每船召募商船舵工。除本身名糧炊糧外。加給守糧二分。共加守糧三百二十八分。於內

地水師各營守兵內裁除抵給。○又議准雲南省順甯營參將移紮緬甯於額駐兵四百名外。增兵七百名。歲需米石。除緬甯額徵秋米全數計抵外。其不敷米石。每石折銀一兩。又每石每站給腳費銀二錢。在本境採買添湊供支。於道庫收存米折銀內動給。○又議准山海關駐防兵丁向係動支永平府屬徵收屯米並領運奉天甯遠州錦縣額徵餘米。其不敷米石。按一兩一石。交永平府屬採買供支。該兵丁慣食麥麵鄉糧。以所領米石變買鄉糧。不無折耗。今將兵

米改為半本半折。其一半折色米石。每石按一兩四錢折給。在該關稅務項下支給。其一半本色米石。除坐支及採買外。不數米石。仍令永平府屬採買供支。○又議准。江甯城守協標四營。及省城守門兵丁火藥局匠役。每年秋冬二季折色兵米。一律改支本色。在蘇屬餘贖南米內按數協濟。○又議准。貴州省興義府貞豐州。普安州。興義縣。普安縣。南安縣。冊亨州。同安。順府。郎岱廳。歸化廳。普定縣。平越州。畢節縣。定番州。長寨同知等所屬。共設苗弁二百六十六員。內

土守備二十名。每名歲給工食銀十六兩。土千
總四十六名。每名歲給工食銀十二兩。土把總
七十名。每名歲給工食銀八兩。土外委一百三
十名。每名歲給工食銀六兩。在各路逆產報佃
變價租息項下撥給。儻有不敷。另行籌撥。○又
奏准。西藏兵丁錢糧。將入官估變銀六萬四千
七十九兩。發交西藏世家第巴及身家殷實之
貿易人等。每年每兩二錢生息。所得息銀。同莊
田租銀。作為番目番兵錢糧之用。派官專管。儻
經理不善。著令賠補。並委漢官會同監放。○又

覆准。陝西省甯陝鎮新設各營汛。除移撥兵丁。將原營公費裁撥外。其新設兵丁。營制初立。公用較繁。將各營公費銀兩。按照每兵一百名扣步糧三名之例。覈計銀數。按年估撥。在正項銀內支銷。以為各營公用。○又議准。貴州省廣順州添駐兵一百五十名。內撥威甯鎮兵五十名。提標兵一百名。無閏之年。應需月糧米五百四十石。在清鎮縣徵收秋糧餘米內撥運供支。遇閏應支月糧。除扣存每年小建糧米添支外。不敷米石。照廣順州秋收中等糧價。動支道庫銀

兩折給各兵。自行買食。其水城廳原供威甯鎮兵米一百八十石。普定縣原供提標兵米三百五十餘石。照例變價解道撥用。○七年奏准。永定河南北兩岸。工段綿長。每逢伏秋大汛。各處要工。不敷差遣。於督標提標宣化鎮天津鎮四處。抽撥戰兵各十五名。共六十名。守兵各八十五名。共三百四十名。交永定河道查明險要工段。分防各汛。所需餉銀。即在各標鎮原額兵餉項下扣留司庫。解交永定河道支放。○又議准。保定駐防。原額設馬二百五十匹。向撥甯河縣

七里海入官地四十五頃。以資牧放。嗣於乾隆五十七年裁去一百匹。又於嘉慶六年裁去五十匹。歸滄州。保定駐防。僅存一百匹。為數無多。可全數留營差操。毋庸另需牧廠。惟向來冬春二季。每匹月支料豆九斗。草六十束。夏秋二季。因有放青。每匹僅支料豆六斗。草三十束。今馬匹既不牧放。夏秋二季。應補馬乾銀六十六兩。在甯河廠地。葦草變價銀內動支。○又議准。四川省太平營改營為協。協標左營。添設外委三員。額外外委二員。馬兵四十名。外委額外外委

五員在內。戰兵一百六十名。守兵二百名。共四百名。協標右營。添馬兵十三名。戰兵五十九名。守兵五十八名。共一百三十名。通江縣屬竹谿關。廣元縣屬百丈關。大甯縣屬鹽廠。巫山縣屬大昌汛。每營各添外委二員。額外外委二員。各添馬兵二十五名。外委額外外委在內。戰兵八十名。守兵一百四十五名。四營共添兵一千名。統計新添外委。額外外委馬戰守兵一千五百三十名。每年需兵餉銀二萬三千四百三十兩。官馬五十四匹。兵馬一百五十三匹。每年需草

乾銀二千一百一十一兩四錢。太平協標左右營並通江竹谿關大甯鹽廠巫山大昌等營共兵一千二百八十名。每年需用倉斗米四千六百石八斗。即照夔州太平二協營原額兵米定價。每斗折銀九分二釐。共需米折銀四千二百三十九兩三錢六分。廣元百丈關共兵二百五十名。每年需用倉斗米五百石。照川北鎮標兵米定價。每斗折銀九分五釐。共需米折銀四百七十五兩。均遇閏加增。○八年議准。熱河差費積存生息銀內。撥出銀六千兩。照熱河駐防生

息之例。交熱河道發商生息。每歲所得息銀七百二十兩。同原撥園場銀一千五百兩。共銀二千二百二十四兩。以為園場差費之用。○又奏准伊犁綠營兵丁口糧。每年秋收後。在次年兵餉項下。豫支採買。以供兵食。所支銀兩。不得逾二萬兩之數。仍於次年應領兵餉銀內。按季坐扣。○又議准。貴州省石峴汛添駐礮兵三百名。內松桃協撥兵一百名。上江協撥兵二百名。每年應需月糧米一千六十五石。除撥支兩箇月大建折色米一百八十石外。尚需本色米八百

八十五石。內動撥銅仁縣米五百八十五石。鎮遠縣米三百石。遇閏應需兵米及折支米石。均照松桃廳每年秋成中等糧價。在道庫存儲平糶餘米價銀內動支。其鎮遠縣撥缺米石。在甕安縣每年徵收支贖秋糧米內撥米三百石。運交鎮遠縣。以抵鎮遠鎮撥缺兵糧之數。至上江協抽兵二百名。每年減支折色米一百五十石。本色米五百六十石。均按年分別報部。○又議准貴州省正大磐石等營添駐礮兵八百名。內銅仁協撥兵一百名。鎮遠鎮撥兵二百名。撫標

撥兵三百名。遵義協撥兵一百名。都勻協撥兵一百名。無閏之年。應需月糧米二千八百四十石。內除撥給兩箇月大建折色米四百八十石外。實需米二千三百六十石。動支松桃廳米三百九十五石。動撥鎮遠。施秉。勝東。邛水等府縣縣丞倉米五百六十八石。思南府一百一十五石八斗。思州府一千二百八十一石二斗。均解交銅仁縣接收。分運供支。應需閏月兵米及折色米石。照各該處秋成中等糧價。在道庫收存平糶餘米價銀內動支。至各鎮協減兵月糧內。

撫標減支米一千六十五石。遵義協減支米三百五十五石。於每年青黃不接之時。出糶解道撥用。至思州府原運清江協兵米七百四十石。改供礮兵月糧。其清江協不敷兵米。在都勻府應運上江協兵米七百四十石。撥運清江協添支兵食。其八寨廳應運都勻協減兵餘米。除撥運添支上江協兵米一百八十石外。餘米存留都勻八寨獨山等倉。作添本色兵糧之用。○又議准。湖北省添設提標五營。將原設襄陽鎮總兵。改駐鄖陽。另設鎮標四營。添設鄖陽城守一

營。將原設鄖陽副將。移紮竹山。改為竹山協。將原設竹谿營。改為鄖陽鎮標右營。以上四提鎮協營。共添外委額。外委各五十員。原設襄陽鄖陽竹山竹谿四鎮協營。額兵三千五百九十名。今改設提鎮協營。共添兵四千八百四十名。額支餉銀十三萬二千六百九十兩。應添惠濟銀二千一百七十三兩一錢有奇。官兵騎操馬一千五百八十九匹。每年需草乾銀一萬六千二百七兩八錢。歸入估撥兵餉馬乾惠濟案內供支。○又奏准雲南省維西中甸二廳添駐兵

丁四百名。額支餉米。每石折給銀二兩。○又奏准。雲南省普洱府威遠廳駐紮兵丁餉米。除春夏二季採買供支外。其秋冬二季。大建月支十日折色。小建月支九日折色。每石折給銀一兩八錢。○九年奏准。黑龍江所屬各城公田。每年額交糧石。收儲公倉。以備歉歲接濟之用。今丁戶日繁。耕種公田兵丁。即在八旗閒散貧乏壯丁內挑補加增。所添新丁餉銀。即於八旗歲支二十四兩餉銀甲兵內。齊齊哈爾裁汰一百六十名。愛琿裁汰一百三十五名。墨爾根裁汰九

十名。每甲兵一名。改設養育兵二名。共設養育兵七百七十名。每名歲支餉銀十二兩。充補公田壯丁。即令加墾新田。其舊種公田兵丁。概令回旗當差。○又議准。浙江省乍浦滿營兵丁。一切近差。均給路費錢文。杭州滿營。惟買料牧馬演礮三款。議給路費。其餘一切近差。俱照乍浦滿營之例。赴蘇州乍浦等差。每名給錢二千四百文。鎮江差。給錢三千文。清江差。給錢三千六百文。在牧廠地租錢內動支。若差止三五日者。不准支給。○又議准。貴州省石峴汛添設外委

一員。額外外委一員。兵丁一百九十八名。騎操馬四匹。由上江協裁撥。歸松桃協管轄。正大營至磐石營。安設十堡。內六堡歸松桃協管轄。添設外委二員。額外外委四員。兵丁四百七十四名。騎操馬二十匹。由鎮遠鎮銅仁協遵義協都勻協裁撥。四堡歸銅仁協管轄。添設外委一員。兵丁二百二十名。騎操馬三匹。由撫標裁撥。松桃協每年支餉銀一萬二十兩。馬乾銀三百二兩四錢。銅仁協每年支餉銀三千一百九十二兩。馬乾銀三十七兩八錢。在各鎮協裁減餉銀。

馬乾內撥給。○又議准四川省太平營改營為協添設官兵一切公費較前更繁協標左右及竹峪關等三營每年原額公費銀三百六十兩加增銀八百兩百丈關大昌鹽廠等三營每年撥給公費銀七百八兩如有餘賸繳還司庫仍於下屆請撥銀內扣除不得逾額多支。○又議准江南省壽春鎮標中左右暨亳州四營向來全支折色兵食未免拮据今將秋冬二季折色兵糧改支本色所支米石即於安省每年協解江甯省倉餘米內酌留撥給遇閏增支。○十年

議准。直隸省各處駐防折色兵米。每石例定價銀一兩四錢。採買例價。每石一兩。比年口外生齒日繁。糧價日貴。例價不敷採買。熱河為每年駐蹕之所。嗣後將熱河採買米石。照依折價加銀四錢。每歲需銀四五千兩不等。於直隸經費銀內撥銀四萬兩。交熱河道發商生息。按年支用。俟有贏餘。即將原撥餉銀解還司庫。如遇糧價平賤之年。仍按例價採買。不得恃有加增。任意開銷。○又議准。湖南省鳳凰。乾州。永綏。古丈。坪保。靖等五廳縣沿邊碉卡。所駐勇兵。每碉不過數

名。不足以資防禦。應將鳳凰廳原挑練勇一千名。留備攻戰之用。於土民均出田畝內。撥田一萬八千畝。責成該道督率屯弁管理。召佃收租。每年約收租穀一萬八千石。每名每年給米三石六斗。共需米三千六百石。合穀七千二百石。尚餘穀一萬八百石。即依時價變買。為支給鹽菜銀兩之用。內散丁八百七十名。每名歲給銀十兩八錢。小旗一百名。每名歲給銀十二兩。總旗二十名。每名歲給銀十三兩二錢。百總十名。每名歲給銀十六兩八錢。共需銀一萬一千二

十八兩。如遇歉收及有閏之年。應增鹽菜口糧。均於餘田租穀項下撥給。至均出歸公田六萬一百餘畝。除分授屯丁練勇田畝五萬六千九百九十畝外。尚餘田九千四百餘畝。召佃取租。每年約收租穀九千四百餘石。變價充公。除屯弁應支分例銀三千餘兩外。所餘銀兩。即為歲修工程等項之需。其各寨繳出占田。並清查叛產。共三萬五千一百餘畝。俱分佃收租。在歷年裁存土塘苗兵內挑留五千名。內鳳凰廳二千名。乾州廳八百名。永綏廳一千八百名。古丈坪廳一

百名。保靖縣三百名。其苗人應繳租銀。於各苗寨建倉收存。每倉公舉殷實苗弁二三名。專司收放。計前項田地二萬五千餘畝。每年約收籽粒二萬二千餘石。每苗兵一名。歲給口糧三石六斗。歲需糧一萬八千石。計尚餘籽粒四千餘石。積存苗倉。以備撥補。並加給苗兵閏月口糧之需。○又議准。湖南省鳳凰。乾州。永綏。古丈。坪保靖等廳縣各路屯丁練勇。豐稔之年。足敷食用。惟年歲豐歉靡常。或遇青黃不接之時。必須豫為籌備。應於司庫撥銀四萬兩。採買穀四萬

石內撥存鳳凰廳二萬五千石。乾州廳三千石。永綏廳一萬石。古丈坪廳五百石。保靖縣一千五百石。遇年歲歉收及青黃不接之時。詳明借濟。秋後免息收還。○十一年議准。熱河駐防原設餽養官馬。每匹月給銀二兩。內有節省銀兩。以為兵丁公務之用。年來豆草日漸昂貴。按時價覈算。須銀三兩有餘。又差使繁多。所得錢糧。僅敷當差養贍家口。若再有添養馬匹之累。兵丁生計。實屬拮据。應將馬乾免其節省。所需兵丁差費。在積存生息銀內。湊足八千兩。交熱河

道發商生息。以資動用。如有不敷。即於放贖生
息銀內動支。○十四年奏准。陝西省商州營兵
丁。照依漢中等營之例。每兵每月加增米折銀
三錢。邠州長武二營兵丁。照依興安等營之例。
每兵每月加增米折銀四錢。○又議准。江南省
新設徐州鎮總兵案內。存城兵丁五六百名。宿
州一營。除分防外。存城兵丁僅止一百六十餘
名。兵力較單。難資彈壓。在於事簡之江甯協標
奇兵營抽裁二十名。溧陽營抽裁十五名。狼山
鎮標泰州營抽裁十名。泰興營抽裁五名。漕標

揚州營抽裁二十五名。蘇州營並撫標左右二營抽裁四十名。提標常州營中左右三軍抽裁二十名。鎮江營抽裁三十名。江陰營抽裁十名。靖江營抽裁十五名。揚舍營抽裁五名。孟河營抽裁五名。共二百名。又於船兵內抽裁二百名。內分撥新設徐州鎮中營城守營各一百名。蕭營五十名。應支兵餉馬乾。由江甯藩司估撥支給。其宿州營添補兵丁一百五十名。歸安徽藩司估撥支給。○又題准甘肅省秦州營利橋三岔地方添設都司。移紮遊擊等官。添馬步守兵。

三百五十名。內除秦州營原撥馬步守兵共五十名。又在提標五營抽撥馬步守兵一百六十四名。永固等營抽撥守兵二十名。甯夏城守營抽撥守兵二十一名。馬營監營抽撥馬步守兵八十名。所有馬步守兵。每年三六九十四箇月。馬兵月支倉斗糧二石。步兵月支倉斗糧一石五斗。守兵月支倉斗糧一石。其餘八箇月。馬兵月支餉銀二兩。步兵月支餉銀一兩五錢。守兵月支餉銀一兩。遇閏支給二十日餉銀。十日糧石。馬兵支銀一兩三錢三分三釐。糧六斗六升。

七合。步兵支銀一兩。糧五斗。守兵支銀六錢六分六釐。糧三斗三升四合。其各營兵丁。紅事賞銀二兩。白事賞銀三兩。奉派口外屯防兵丁。紅事賞銀四兩。白事賞銀六兩。造入估餉及紅白奏銷冊內報部。○又

諭

東陵兵役人等。改支一半本色。前經議令由州縣供運。辦理未免掣肘。嗣後由各本處自行關運。每年另行籌備銀一萬二千兩。以資津貼。○十五年題准。甘肅省平羅營額設把總三員。內撥出威鎮堡把總

一員。移紮石觜營。所有石觜營經制外委一員。撤回威鎮堡。所需兵丁五十名。即在甯夏等十營內抽撥。交該把總管理。歸平羅營參將兼轄。所需俸廉兵餉。並本色糧料草束。即在各營原估數內支領。○又奏准。廣州駐防漢軍養育兵一千一百一十一名。每名月給銀五錢。在八旗馬價穀價息銀項下動支。○十六年奏准。福州駐防額馬五百六十四匹。內裁減一百六十四匹。添設養育兵一百六十名。每兵每月支給銀一兩。即在裁減馬乾銀內支放。○又奏准。福建省巡洋

緝匪弁兵。如往別境並本境內洋追捕。每名每日給口糧銀四分。在交商生息項下動支。如僅在本境內洋巡緝。止給額設鹽菜勻發銀兩。不得支領口糧。○十八年奏准。熱河圍場額設兵八百五十名。每名月給餉銀二兩。又每名給隨缺地一頃二十畝。新添設兵一百五十名。每名月給餉銀一兩五錢。又每名給隨缺地一頃。俟有額兵缺出。即以此項新兵挑補。新兵遺缺。再從閒散內挑補。○又咨准。西藏兵丁送京繙譯廓爾喀文字。由京營支給錢糧公費外。其原營

額缺糧餉。仍行支領。○又定。熱河八旗駐防官
兵俸餉銀兩。由熱河都統每年委員赴部領解。
即收存該都統衙門。陸續支放。○十九年

諭。御史孫汝奏。釐剔營伍積弊一摺。國家設兵衛民。歲

糜左藏。建置督撫提鎮。以統轄標營。分布備弁。責以
訓練。原期有一兵即收一兵之用。乃積漸廢弛。叢生
弊竇。如兵丁缺出。自應即時挑補。若利其缺曠。侵蝕
餉乾。則營兵即至缺額。更或以工匠裁縫廚役等項。
侵占名糧。甚至有以廝役優伶充數者。則額兵之中。
又復有名無實。尤為營伍鉅弊。必應痛加革除。至於

訓練之法。當使人人習於技藝。無一濫竽。方成精銳。如查閱營伍時。僅將列置前牌者。閱視數牌。易啟不肖營員揣測蒙蔽之漸。嗣後閱視營伍大員。務將前後名牌。參錯抽看。以杜欺蒙。至各兵丁等。得受糧餉。皆係養贍身家所資。若沿習陋規。假辦公之名。多方剋扣。則該兵丁等謀生之不暇。又何能專意操防。著各該督撫提鎮督率所屬。改除積習。實力整頓。務使兵歸實用。餉不虛糜。如有仍前弊混者。即據實嚴參懲辦。以簡軍實而肅戎政。○又奏准。前因福建洋匪充斥。加派兵船長年巡緝弁兵。每名日給口糧。

銀五分。嗣因息銀不敷支用。改給四分。近來洋面較前甯靖。所有弁兵口糧。每日酌減一分。以節經費。自嘉慶二十年起。出洋緝匪。除應得錢糧外。每名日給口糧銀三分。如僅在本境之內。洋巡緝。止給額設鹽菜銀。○又奏准。直隸省長垣、東明、開州等州縣。查出叛產絕產地三十六頃零。召佃收租。每年租息。除完納正賦外。其餘作正定標兵丁差操賞賚之用。○二十年覆准。福建省臺灣艦艍營水陸各兵。共八百七十一名。歲需兵米三千一百三十五石六斗。每米一

石合銀一兩二錢。共需銀三千七百六十二兩七錢二分。在地丁銀內動支。給發淡水廳採買。按月關支。○又奏准。山東省青州駐防。添設餘兵二百四十名。每名月給銀一兩。○又奏准。湖北省荊州駐防。添設餘兵九百六十名。每名月支銀一兩。在發商生息銀內動支。○又奏准。廣西省富賀營添設兵一百六名。懷集營添設兵二十名。所需兵米。由賀懷二縣借常平倉穀碾米供支。於桂林府屬徵存兵米內。變價給發買補。○二十一年咨准。甘肅省涼州莊浪滿營兵

糧一半折色。每石折銀二兩。遇歲豐糧賤。仍依時價造銷。○又奏准。四川省江孜汛添設兵丁二十名。應領鹽糧。由後藏糧務支給。○二十二年議准。江南省徐州鎮屬中營各汛。撥添千總一員。添設經制外委二員。額外外委一員。撥添馬兵五名。步兵二十名。守兵一百三十四名。除經制外委二員。歲需餉乾。在提標各營裁存草乾銀內動支。餘均照例於估餉內支給。○又奏准。湖北省荊州滿營俸餉。每年春季解運。夏秋之項。秋季解運。冬春之項。存儲文員庫內。屆期

與綠營一律支放。○又咨准四川省綏定協撥添千總一員。把總一員。額設馬步兵七百九十三名。城口營額設馬步兵三百名。歲需餉乾米折等項銀兩。照數估撥。○又奏准雲南省駐紮緬甯兵一千四百二十五名。外委二員。歲需餉米五千一百三十七石二斗。內緬甯廳供支米一千二百十四石零。雲州鎮甯縣撥供米二千一百七十餘石。不敷米一千七百餘石。秋冬二季。大建月折給銀十日。小建月折給銀九日。每石折銀一兩八錢。令兵丁自行買食。尚不敷米

八百餘石。令緬甯廳採買供支。每石仍給價銀一兩。在道庫存儲米折銀內動支。○二十三年奏准。直隸省天津縣挂甲寺等處地三十九頃十四畝零。每年收租銀一千一百四十兩四錢四分一釐。除完納正賦外。其餘並所分糧石。均勻散給水師營兵丁。以資食用。仍將所收租銀糧石及散給數目。造報覈銷。○二十四年奏准。四川省廣元營撥給公費銀六百兩。綿州營三百八十兩。巴州營四百二十七兩二錢。由裁兵各營餘存公費項下。撥出攤給。○又奏准。盤山

白澗燕郊大新蔣髻髻山桃花寺隆福寺等處
看守

行宮千總八員。除給俸外。每員月給地租折銀一兩五錢。盤山委署千總四名。每名月給餉銀二兩。地租折銀各一兩。進

殿兵十九名。每名月給餉銀一兩五錢。地租折銀各一兩。其餘委署千總六員。兵一百十四名。每名月給餉銀一兩。地租折銀各一兩。○又議准江南省狼山鎮標右營所轄之大坦地方。添設千總一員。江揚汎添設把總一員。頭二場添設

把總一員。歲需俸餉。以裁兵餉乾銀兩抵給。○
又覆准。塔爾巴哈台屯田兵丁。自春耕三月起。
至秋收八月止。除應領口糧外。每名日加白麵
半斤。每百斤坐扣價銀五錢。○又議准。山東省
曹州鎮中右二營。外委十二員。兵一千一百五
十五名。每年額支城武曹縣二處本色米二百
三十五石四斗七升一合。兩營均勻支食。其餘
不敷兵米。一體支給折色。○二十五年議准。江
南省邵伯汛改設千總一員。歲需俸廉銀兩。在
揚州營裁馬改戰節省項下動支。僧道橋北壩

各添設外委一員。俱食馬餉。其應需養廉銀兩。在運司緝私經費項下動支。○又議准。安徽省鳳臺縣之白龍潭段家岡。添設外委二員。泗州之碧山。添設額外外委一員。均食馬餉。其外委二員。歲需養廉。在耗羨匣費款內。按季支領。